

զբարեկարգութիւնս մերայնոցն տեղւոյն, և թէ հնար ինչ իցէ մնալ անդ՝ մինչև ի մահ. բայց ոչ դադարեալ զարձայ ի վիեննայ. և հաստատեալ աստ՝ ըստ առաջին կացութեան ապրիմ դժուարութեամբ ձերութեան և աղքատութեան իմոյ ըստ ամենախնամ հաճոյից բարերար կամացն աստուծոյ: Եւ որովհետև ի գալն իմ աստ՝ գտի զՊարոն Յօհաննէսն մօռնհայիմեան քորիերն կայսերական կենդանի, որ ցանկայր ունիլ զպատմութիւն երանելի տէր Կոմիտասին վասն ցուցանելոյ արքունւոյն զազնութիւն ազգին միոյ թոռան նորա և քեռորդոյն Պարոն Յօհաննէսին մօռնհայիմեան (որ որբացեալ ի հօրէ և ի մօրէ գտանի աստ՝) և հոգալոյ նորա հաց յարքունուստ, պարտաւորեցայ զրել և թախանձանօք մեծաւ հայցել ի Գ. Հ. զի յանձն առեալ զաշխատանս վասն զթութեան և ողորմութեան հաճեսցի յղել օրինակ մի կամ հայերէն կամ իտալերէն վերոյասացեալ պատմութեան ընդ ումեք, որ զայցէ աստ. և զծախս, զոր ունիցի՝ ի յառնուլ և յղել զայն՝ հաճեսցի զրել. զի մեծաւ շնորհակալութեամբ վճարեալ լիցի ում և կամեսցի Գ. Հ. եթէ ընդունելի լիցին խնդրուածքն իմ, որ պարտաւորեալ նուիրեմ զանձն ծառայութեան Գ. Հ. զոր ինչ հաճեսցի հրամայել ինձ:

Եւ յանձն արարեալ զիս հաճոյական աղօթից Գ. Հ. զսուրբ աջն համբուրեմ. և Գ. Հ.

մնամ

Նուստ ծառայ

Յովհաննէս Արիմանեան
Քահանայ անարժան

Յամի տեառն 1766 դեկտ.ի 13
ի Վիեննայ

ՄԿԶ.

Հրդեհի մը ծնունդն ու տխուր հետևանքները:

Գերաւեժար գերյարգելի Այբրայ ձոր մերոյ և յարուհապետի տեսաւ տեսաւ Ստեփաննոս վարդապետի, ողջոյն

Թղթ. Ղ.Ը.

... ի նոյեմբ. 19 ի շաբաթ գիշերին, որում լուսանայր յիսնակաց բարեկենդանն, և եղև հրկէզ արտաքոյ դրան ղումղափուին: Ել հուրն ի տանէն, որ էր առաջի աղբերն. և աղբուրն էր մերձ դրան պարսպին ղումղափուին, ուստի եղև մեծամեծ աղէտք. քանզի ոչ արքունի զիջուցանօղքն կարէին ելանել արտաքս, և ոչ արտաքոյ եղեալքն կարէին մտանել ի ներքս և փախչիլ ի կրակէն: Եւ յայնմ մեծի դաշտավայրի՝ ոչ մնաց տեղի ապաստանի, զի ի շնչելոյ ուժգին և օսատիկ բօրեազին, մնացին ք կամ Գ տունք. և այլն ամենայն այրեցան: Ուստի փախչէին դէպի ծոփն. և ոչ ևս անտի կարէին փախչիլ, քանզի և դայեխանախքն և նաւակքն այրեցան. և բազում նաւակաց տեարքն չէին անդ, զի էր գիշեր. վասն որոյ բազումք այրեցան. և ոմանք ևս արք և կանայք արկանէին զինքեանս ի ծոփն և անդ խեղդեցան: Ոմն արկեալ զինքն ի ծոփն, և գնացեալ նստեալ էր ի վերայ դարամփովին, որ առ ափամբ ծոցոյն ղումղափուին (որպէս յայտ է գիտողացդ, և անդէն թացեալ զքէպէն, նա դարձեալ ընկղմեալ զքէպէն ի ծոփն, պատեալ է զանձամբ, և այնպէս ազատեալ է զինքն. (եթէ ի ցրտոյն ոչ վնասեցաւ):... Արդ բնակիչքն արտաքոյ դրան ղումղափուին էին բազումք՝ օտալարցիք. և զրեթէ ամենեքին աղքատք: Իսկ այժմ մերկ և մազապուրծ պրծեալք ի կրակէն, եղև ամենեքին տասն աղքատ. և անկեալ ի շուկայս, և դրանէ ի դուռն, մուրանան: Պատրիարքն հայոց ժողովեաց բազում դրամս վասն նոցա. դարձեալ հարուստ քարակոփքն աղքատացան, զի այրեցաւ և անշահացաւ մեծագին մարմարոնեայ քարինքն գերեզմանացն տաճկաց: Նոյնպէս մրգավաճառքն և